

CONSELLERÍA DO MEDIO RURAL

Orde do 4 de marzo de 2008 pola que se establecen as bases reguladoras das axudas de compensacións complementarias pola aplicación de programas de erradicación de enfermidades dos animais e se convocan para o ano 2008.

A aparición de signos indicativos de enfermidade infecto-contaxiosa nunha explotación gandeira implica a adopción das medidas previstas na normativa vixente de sanidade animal. A aplicación destas medidas sanitarias tan rigorosas supón o sacrificio obrigatorio e destrución dos animais, seguido dunha hixienización das instalacións da explotación, para os casos de que non se poida descartar a enfermidade ou se confirme a súa presenza.

Coa aprobación da orde correspondente que establece as indemnizacións por sacrificio obrigatorio dos animais, regúlanse os mecanismos para conseguir indemnizar polos animais sacrificados por motivo de sospeita ou confirmación da enfermidade.

Con todo, as indemnizacións establecidas son insuficientes para paliar as importantes perdas económicas dos produtores, sobre todo naquelas explotacións en que se fai un baleiro sanitario total por sacrificio preventivo e destrución de todos os seus animais, que, ademais, teñen que sufrir ese período de inactividade produtiva ata que os servizos veterinarios oficiais autoricen novamente a reintrodución de animais novos nesa explotación.

Estas perdas son moito máis acusadas canto máis tempo se impón como exixencia mínima de período de baleiro nas explotacións, antes de permitir a incorporación doutros animais nelas, como sucede no caso doutras enfermidades obxecto dun programa oficial de control e erradicación.

Así, aínda que a lexislación de sanidade animal recoñece expresamente o dereito do dono do animal a ser indemnizado polo dano causado ao sacrificar os animais, a aplicación dos métodos de valoración existentes na actualidade non son proporcionais á deterioración patrimonial que efectivamente ocorre porque se lle impide producir durante un período de tempo cando, en moitos casos, constitúe o seu medio de vida, polo que, unha vez declarada a enfermidade, se van producir na práctica situacións de grave desamparo e indefensión.

Consecuentemente co exposto anteriormente, faise imprescindible establecer os mecanismos de reparación e resarcimento dos danos realmente causados ao propietario ante o establecemento de medidas obrigatorias como consecuencia dun programa de prevención e erradicación de enfermidades dos animais das que en ningún caso se pode facer responsable ao propietario da explotación.

Ademais, cómpre ter en conta a dificultade con que se atopa o produtor para poder repoñer os animais de similares características aos que se lle obrigou a sacrificar, e que na maior parte dos casos non hai posibilidade de acadar a reposición total ao mesmo tempo.

O artigo 10 do Regulamento (CE) nº 1857/2006 da Comisión do 15 de decembro de 2006 (DO L 358, do 16-12-2006), sobre aplicación dos artigos 87 e 88 do Tratado ás axudas estatais para pequenas e medianas empresas dedicadas á produción de produtos agrícolas e polo que se modifica o Regulamento (CE) nº 70/2001, establece que estas axudas destinadas a compensar os agricultores polas perdas por enfermidades dos animais serán compatibles co mercado común e quedarán exentas da obriga de notificación (conforme o número 3 dos artigos 87 e 88).

Na súa virtude, de conformidade co disposto no artigo 30.1.3 do Estatuto de autonomía de Galicia, e en uso das facultades que me confire a Lei 9/2007, do 13 de xuño, de subvencións de Galicia, así como en uso das competencias que me confire a Lei 1/1983, do 22 de febreiro, modificada pola Lei 11/1988, do 20 de outubro, reguladora da Xunta e da súa Presidencia,

DISPOÑO:

Artigo 1º.-*Obxecto.*

O obxecto desta orde é establecer as bases reguladoras e convocar para o ano 2008 as axudas de compensacións complementarias por lucro cesante nos casos de inactividade nunha explotación gandeira por motivos dunha enfermidade sometida a un programa de erradicación.

Artigo 2º.-*Beneficiarios.*

Os titulares das explotacións en que se sacrificasen ou destruísen de forma preventiva todos os animais por motivos de sospeita e/ou confirmación da presenza dalgunha enfermidade sometida a un programa oficial de control e erradicación, poderán recibir unha compensación por ingresos non percibidos de acordo co establecido nos seguintes artigos desta orde.

Artigo 3º.-*Contía.*

O importe das referidas compensacións será determinado con base nos cálculos aplicados ás marxes brutas das principais actividades produtivas gandeiras das explotacións, que se xuntan como anexo II a esta orde, tendo en conta o período de inactividade desde o momento do baleiro sanitario da explotación. O período indemnizable será de tres meses contados desde que se autorice oficialmente a reintrodución de animais e sumados ao tempo de baleiro da explotación, sempre de acordo coas dispoñibilidades orzamentarias.

Non obstante o anterior, en caso de recuperación parcial da actividade, se se repón, polo menos, o 25% dos animais antes de tres meses desde a data de autorización oficial de reposición, será descontado para o período restante o importe correspondente ás unidades de produción restituídas, e o período que se indemnice despois de autorizar a reposición poderá prolongarse ata un máximo de doce meses.

Artigo 4º.-*Requisitos.*

Para poder ter dereito ás indemnizacións establecidas nesta orde é imprescindible o cumprimento estrito da normativa en vigor sobre sanidade animal, programas de erradicación de enfermidades animais e vixilancia epi-

demiolóxica das encefalopatías esponxiformes transmisibles. Esta normativa recóllese na Lei 8/2003, do 24 de abril, de sanidade animal; Regulamento de epizootias do 4 de febreiro de 1955; Real decreto 2611/1996, do 20 de decembro, polo que se regulan os programas nacionais de erradicación das enfermidades dos animais; Regulamento (CE) 999/2001, do Parlamento Europeo e do Consello, referente á vixilancia epidemiolóxica e aos controis das encefalopatías esponxiformes transmisibles e as súas posteriores modificacións; Regulamento (CE) 1774/2002, do Parlamento Europeo e do Consello, polo que se establecen as normas sanitarias aplicables aos subproductos animais non destinados ao consumo humano; e en todas aquelas normas de desenvolvemento en materia de sanidade animal.

Artigo 5º.-Financiamento.

As compensacións establecidas nesta orde aboaranse con cargo á aplicación orzamentaria 2008.11.03.713-E.770.3 dos orzamentos xerais da Comunidade Autónoma de Galicia para o ano 2008, para o que se fai unha retención de crédito inicial de 880.000 euros que será incrementado na medida necesaria para que poidan ser atendidas todas as solicitudes recibidas.

Artigo 6º.-Solicitudes, prazo e documentación.

1. As solicitudes de axudas, segundo o modelo que figura como anexo I desta orde, poderán presentarse nos rexistros da Consellería do Medio Rural, así como nos demais lugares e formas previstas no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, e no Decreto 164/2005, do 16 de xuño. O prazo de presentación de solicitudes será desde o día seguinte da data de publicación desta orde ata o 21 de novembro de 2008, incluíndo esta data no cómputo do prazo.

2. Os beneficiarios das axudas deberán presentar xunto coa solicitude os documentos xustificantes do sacrificio dos animais conforme a normativa vixente. Ademais, deberán presentar:

a) Declaración complementaria do conxunto das axudas, tanto as aprobadas ou concedidas como as pendentas de resolución das distintas administracións públicas competentes ou calquera dos seus organismos, entes ou sociedades.

b) Certificación da entidade bancaria acreditativa de que a conta deseñada na solicitude para a domiciliación dos pagamentos corresponde aos solicitantes.

Os beneficiarios terán a obriga de facilitar toda a información que lles sexa requirida polo órgano xestor, así como pola Intervención Xeral da Comunidade Autónoma, o Consello de Contas e o Tribunal de Contas no exercicio das súas funcións de fiscalización e control.

De acordo co establecido na disposición adicional primeira do Decreto 132/2006, do 27 de xullo, de creación dos rexistros de axudas, subvencións e convenios e de sancións da Xunta de Galicia, a persoa solicitante da axuda consentirá expresamente a inclusión e publicidade dos datos relevantes referidos ás axudas e subvencións recibidas, así como ás sancións impostas, de ser o caso.

Artigo 7º.-Tramitación e resolución.

1. Os aervizos provinciais de Gandararía remitirán á Dirección Xeral de Produción, Industrias e Calidade Agroalimentaria o seu informe sobre as solicitudes presentadas. A tramitación das axudas correspóndelle á Dirección Xeral de Produción, Industrias e Calidade Agroalimentaria elevando a correspondente proposta de resolución ao conselleiro do Medio Rural a quen lle corresponde a resolución das axudas.

Poderán resolverse as solicitudes de axuda a medida que se vaian presentando conforme o previsto no artigo 19.2º da Lei 9/2007, do 13 de xuño, de subvencións de Galicia.

2. A resolución notificarase na forma prevista no artigo 59 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro. No caso de que, transcorridos seis meses desde o rexistro da solicitude de axuda, non se ditase resolución expresa, poderá entenderse desestimada a axuda. Transcorrido o dito prazo, o interesado disporá de tres meses contados a partir do día seguinte ao que se entenda desestimada a axuda para interpoñer recurso potestativo de reposición ante o conselleiro do Medio Rural.

3. Contra esa resolución poderá interpoñerse recurso potestativo de reposición ante o conselleiro do Medio Rural no prazo dun mes contado desde o día seguinte ao da súa notificación.

Cabe interpor directamente recurso contencioso-administrativo ante o órgano xurisdiccional contencioso-administrativo competente de acordo co previsto na Lei 29/1998, do 13 de xullo, reguladora da xurisdición contencioso-administrativa.

Artigo 8º.-Modificación da resolución.

A resolución de concesión da axuda poderá ser modificada por alteración das condicións que se tiveron en conta para a concesión.

Artigo 9º.-Pagamentos parciais.

Poderán realizarse pagamentos parciais a conta da liquidación definitiva, conforme o artigo 31.6º da Lei 9/2007, do 13 de xuño, de subvencións de Galicia e do artigo 16.2º do Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia.

Artigo 10º.-Compatibilidades.

As axudas reguladas por esta orde serán compatibles con calquera outra que poida obterse de distintas administracións para esta finalidade. No suposto de que se engadan varias axudas, o importe acumulado de axuda concedida non poderá exceder nunca do 100% dos custos reais suportados.

Artigo 11º.-Reintegro.

O incumprimento polo beneficiario de calquera das condicións establecidas nesta orde dará lugar á perda do dereito á axuda e á devolución, se é o caso, das cantidades indebidamente percibidas, sen prexuízo doutras responsabilidades a que houber lugar (Lei 9/2007, do 13 de xuño, de subvencións de Galicia).

Disposición adicional

Nos aspectos non contidos nesta orde, deberase observar o disposto na Lei 9/2007, do 13 de xuño, de subvencións de Galicia.

Esta orde está suxeita á comunicación á Unión Europea e o pagamento das axudas quedará en todo caso condicionado a que os órganos competentes da Unión Europea adopten unha decisión de non formular obxeccións a elas, ou declarasen a subvención compatible co Mercado Común, e as posibles observacións e modificacións derivadas de tal pronunciamento.

Disposicións derradeiras

Primeira.-Facúltase o director xeral de Produción, Industrias e Calidade Agroalimentaria para ditar as disposicións necesarias para o desenvolvemento e cumprimento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 4 de marzo de 2008.

Alfredo Suárez Canal
Conselleiro do Medio Rural



XUNTA DE GALICIA
CONSELLERÍA DO MEDIO RURAL

ANEXO I

PROCEDEMENTO COMPENSACIÓNS COMPLEMENTARIAS: XERAL	CÓDIGO DO PROCEDEMENTO MR553A	DOCUMENTO SOLICITUDE
---	---	--------------------------------

DATOS DO/A SOLICITANTE

TITULAR []	C.E.A. []	NIF []
ENDEREZO []		CÓDIGO POSTAL []
PROVINCIA []	TELÉFONO []	FAX []

E, na súa representación:

APELIDOS []	NOME []	DNI []
ENDEREZO []		LOCALIDADE []
PROVINCIA []	CÓDIGO POSTAL []	TELÉFONO []
		FAX []

DATOS BANCARIOS

CÓDIGO DO BANCO []	CÓDIGO DA SUCURSAL []	DÍXITOS DE CONTROL []	CÓDIGO DA CONTA CORRENTE []
NOME []		ENDEREZO (RÚA E NÚMERO) []	
POBOACIÓN []	PROVINCIA []	CÓDIGO POSTAL []	

DOCUMENTACIÓN QUE SE ACHEGA

<input type="checkbox"/> En caso de representación: autorización para facer a solicitude ao/á asinante dela
<input type="checkbox"/> Certificado de conta bancaria
<input type="checkbox"/> Certificación de sacrificio de animais e baleiro da explotación
<input type="checkbox"/> Declaración de axudas

Quen abaixo asina solicita que lle sexa concedida a axuda establecida na Orde do _____ da Consellería do Medio Rural e consinte expresamente a inclusión e publicidade dos datos relevantes referidos ás axudas e subvencións recibidas, así como as sancións impostas, de ser o caso (Decreto 132/2006, do 27 de xullo)

LEXISLACIÓN APLICABLE <i>Orde do 4 de marzo de 2008 pola que se establecen as bases reguladoras das axudas de compensacións complementarias pola aplicación de programas de erradicación de enfermidades dos animais e se convocan para o ano 2008.</i>	(Para cubrir pola Administración) RECIBIDO [] REVISADO E CONFORME []	NÚMERO DE EXPEDIENTE _____ DATA DE ENTRADA ____/____/____ DATA DE EFECTOS ____/____/____ DATA DE SAÍDA ____/____/____
SINATURA DO/A SOLICITANTE OU PERSOA QUE O/A REPRESENTA Lugar e data _____, de _____ de _____ Conselleiro do Medio Rural		

ANEXO II

Marxes brutas das principais actividades produtivas gandeiras das explotacións (valor en euros/unidade)

Actividade	Unidades	Características	Pdto. bruto	G. variable	Marxe bruta
Cabrún	Nai	Sen primas	102,17	9,62	92,56
Ovino	Nai	Con primas	90,15	9,62	80,54
Ovino	Nai	Sen primas	60,10	9,62	50,49
Vacún carne	Cab	Dereitos+prima exten.	1.144,72	358,73	785,99
Vacún carne	Cab	Con dereitos	1.044,72	358,73	685,99
Vacún carne	Cab	Sen dereitos	857,04	358,20	498,84
Vacún leiteiro	Litros/cota/ano	<50.000 l. expl.	0,32	0,15	0,17
Vacún leiteiro	Litros/cota/ano	De 50.001 a 100.000	0,32	0,14	0,18
Vacún leiteiro	Litros/cota/ano	>100.000	0,34	0,15	0,19
Xatos ceba	Praza (1,25 xato)	0-9 meses	854,19	628,81	225,38
Xatos ceba	Praza (1,25 xato)	Con prima	1.054,19	628,81	425,38
Xatos ceba	Praza (1,25 xato)	Prima+prima extens.	1.179,19	628,81	550,38

Os cálculos para a determinación dos importes das compensacións faranse multiplicando o valor en euros da marxe bruta de cada unidade de produción polo número de unidades de produción que consten como datos oficiais referidos á explotación afectada na Consellería do Medio Rural. Resultará así un importe anual que dividido por 365 días determinará o importe diario que, pola súa vez, será multiplicado polo número de días de inactividade.

En caso de recuperación parcial da actividade serían descontados, para os días restantes, os importes das unidades de produción correspondentes.

Para os casos en que o período de inactividade supoña a perda de posibilidade de percepción do importe total da prima anual, aplicarase para o cálculo o valor de marxe bruta sen prima e incrementarase o importe final co valor total anual da prima.

Orde do 11 de marzo de 2008 pola que se regulan e se convocan axudas para a compra de gando bovino e ovino-cabrún que teña por obxecto a reposición das reses como consecuencia do sacrificio obrigatorio en execución dos programas de control e erradicación de enfermidades dos animais.

O Real decreto 2611/1996, do 20 de decembro, polo que se regulan os programas nacionais de erradicación de enfermidades dos animais (BOE nº 307, do 21 de decembro), establece no seu artigo 2 as enfermidades que estarán sometidas a control oficial en programas nacionais de erradicación.

Nos artigos 15, 16 e 17 deste real decreto dispónse o sacrificio obrigatorio dos animais reaccionantes positivos a algunha destas enfermidades e o dereito a percibir indemnizacións como consecuencia desa obrigatoriedade de sacrificio deses animais.

Con todo, as indemnizacións establecidas son insuficientes para paliar as importantes perdas económicas dos produtores, sobre todo naquelas explotacións en que se fai un baleiro sanitario total por sacrificio preventivo e destrución de todos os seus animais, que, ademais, teñen que sufrir un período de inactividade produtiva ata que os servizos veterinarios oficiais

autoricen novamente a reintrodución de animais novos nesa explotación.

Así, aínda que a Lei de sanidade animal reconece expresamente o dereito do dono do animal a ser indemnizado polo dano causado ao sacrificar os animais, a aplicación dos métodos de valoración existentes na actualidade non é proporcional á deterioración patrimonial que efectivamente se produce porque se lle impide producir durante un período de tempo e, en moitos casos, constitúe o seu medio de vida, polo que, unha vez declarada a enfermidade se produce, na práctica, unha situación de grave desamparo e indefensión. Estes feitos poden poñer en perigo a viabilidade económica destas explotacións.

Consecuentemente co exposto anteriormente, faise imprescindible establecer os mecanismos de reparación e rescamento dos danos realmente causados ao propietario ante o establecemento de medidas obrigatorias como consecuencia dun programa de prevención e erradicación de enfermidades dos animais, das cales en ningún caso se pode facer responsable o propietario da explotación.

Ademais, hai que ter en conta a dificultade con que se atopa o produtor para poder repoñer os animais de similares características aos que se lle obrigou a sacrificar, e que na maior parte dos casos non hai posibilidade de alcanzar a reposición total ao mesmo tempo.

Polo tanto, para aqueles casos en que coas indemnizacións por sacrificio obrigatorio non se acada o valor de adquisición de novos animais similares aos sacrificados e consecuentemente non resultaría factible repoñer eses animais, considérase necesario establecer axudas para favorecer a reposición de gando sacrificado obrigatoriamente.

Na súa virtude, de conformidade co disposto no artigo 30.1.3 do Estatuto de autonomía de Galicia, e en uso das facultades que me confire o artigo 14 da Lei 9/2007, do 13 de xuño, de subvencións de Galicia, así como en uso das competencias que me confire a Lei 1/1983, do 22 de febreiro, modificada pola Lei 11/1988, do 20 de outubro, reguladora da Xunta e da súa Presidencia,

DISPOÑO:**Artigo 1º.-Obxecto.**

Establécense axudas aos titulares de explotacións de gando bovino, ovino e cabrún para a compra de animais da citada especie que teña por obxecto a reposición de efectivos naquelas explotacións en que se ordene o sacrificio de animais das especies bovina, ovina e cabrúas existentes nela, tras a realización do diagnóstico dunha das enfermidades sometidas a un programa oficial de erradicación.

Artigo 2º.-Beneficiarios.

Poderán acceder a estas axudas as persoas físicas ou xurídicas, titulares de explotacións de gando nas que se ordenara o sacrificio obrigatorio de bovinos, ovinos ou cabrúns existentes na explotación como consecuencia do diagnóstico dunha das enfermidades sometidas a un programa oficial de erradicación.